



Broj predmeta: 13-002365/20
Broj akta: 01.1-1413EK-0029/21
Datum, 12.2.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-002365/20 od 3.2.2021. godine sa preporukom komisije za javne nabavke i Mišljenja Pravobranilaštva Brčko distrikta BiH broj: M-125/21 od 11.2.2021. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJIH PONUDAČA

Član 1.

(1) U provedenom otvorenom postupku za nabavku radova dogradnje i rekonstrukcije dijela bolnice za smještaj magnetne rezonance i RTG službe – zgrada Opšte bolnice Brčko, JZU „Zdravstveni centar Brčko“ - lotovi 1 i 2 za potrebe Odjela za zdravstvo i ostale usluge Vlade Brčko distrikta BiH, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača za Lot 1 je „**BIJELIĆ GRADNJA**“ d.o.o. Brčko.

Lot 1 – Građevinsko zanatski radovi za izgradnju objekta: dogradnja i rekonstrukcija postojećeg zdravstvenog objekta bolnice – izgradnja aneksa radi smještaja MRI i RTG službe

Vrijednost ugovora sa uračunatim PDV-om iznosi **245.275,78 KM.**

Naziv najpovoljnijeg ponuđača za Lot 2 je „**KGH INSTALACIJE**“ d.o.o. Brčko.

Lot 2 – Mašinske instalacije - instalacija grijanja i hlađenja u dograđenom aneksu zgrade za smještaj MRI i RTG

Vrijednost ugovora sa uračunatim PDV-om iznosi **53.078,22 KM.**

Član 2.

Postupak je proveden na osnovu Odluke o pokretanju postupka javne nabavke broj: 13-002365/20, broj akta: 05-1367AP-0001/20 od 12.10.2020. godine, Obavještenja o nabavci na portalu javnih nabavki broj: 1157-1-3-693-3-590/20 od 23.10.2020. godine, predmjera radova u vezi sa Tenderskom dokumentacijom broj: 13-002365/20 i ponuda najpovoljnijih ponuđača.

Član 3

Finansiranje navedene nabavke će se izvršiti na osnovu kapitalnog budžetu za 2020. godinu, organizacioni kod 19010001, ekonomski kod 821600, šifra projekta: 11408, pozicija: „Rekonstrukcija dijela bolnice za smještaj magnetne rezonance“.

Član 4.

Ova odluka stupa na snagu danom donošenja.

Obrazloženje

Komisija za nabavke je nakon izvršenog otvaranja ponuda konstatovala da su dostavljene četiri ponude, ponuđača: „As Gradnja“ d.o.o. Brčko, „Papilon“ d.o.o. Čelić, „Bijelić Gradnja“ d.o.o. Brčko i „KGH Instalacije“ d.o.o. Brčko. Sastavni dio odluke čini zapisnik sa otvaranja ponuda, izvještaj o pregledu i ocjeni ponuda i izvještaj o toku i završetku e-aukcije. Dostavljene ponude su bile pripremljene i dostavljene na način propisan tenderskom dokumentacijom u pogledu načina pripreme, dostave i sadržaja ponude. Svi ponuđači su ocijenjeni kvalifikovanim, osim ponuđača „As Gradnja“ d.o.o. Brčko za lot 1 koji je dostavio potvrdu o uspješno izvršenim radovima u kojoj je navedena vrijednost ugovora manja od zahtijevane tenderskom dokumentacijom. Vrijednost izvedenih radova na zgradi „Merkur“ Brčko je glasila na iznos od 181.061,01 KM sa uračunatim PDV-om a zahtijevan je iznos za Lot 1 minimum 190.000, KM bez uračunatog PDV-a. Ostale ponude su prihvatljive jer su sačinjene sa svim stavkama iz tehničke specifikacije. Utvrđeno je postojanje računске greške u ponudi ponuđača „Papilon“ d.o.o. Čelić za koju je ponuđač dostavio saglasnost za ispravku. Osim toga, ustanovljeno je postojanje neprirodno niske cijene ponuda u ponudi ponuđača „Bijelić Gradnja“ d.o.o. Brčko, koji je dostavio pojašnjenje koje je komisija prihvatila. Izvršena je e - aukcija samo za lot 1 jer je za lot 2 dostavljena samo jedna ponuda. U provedenoj e – aukciji za lot 1, nije došlo do smanjenja cijena u odnosu na cijene sa otvaranja ponuda. Iznosi najpovoljnijih ponuda nisu bili u okviru procijenjene vrijednosti nabavke. Odjel za zdravstvo i ostale usluge se izjasnio da postoje sredstva za finansiranje nabavke za oba lota. Komisija za nabavke je u skladu sa kriterijem najniže cijene dostavila preporuku o izboru najpovoljnijih ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručno i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjelu za zdravstvo i ostale usluge,
3. Gradonačelniku,
4. Zamjeniku gradonačelnika,
5. Ponuđačima,
6. „Službeni glasnik BD Brčko distrikta BiH“
7. Arhivi.



GRADONAČELNIK

Esed Kadrić